

dicti sint, nullus obsistat, salua tamen iustitia illarum ecclesiarum, a quibus mortuorum corpora assumuntur. Paci quoque ac tranquillitati uestrae paterna in posterum sollicitudine prouidere uolentes, auctoritate apostolica prouidemus, ut infra clausuras ipsius monasterii seu locorum uestrorum nullus rapinam seu furtum committere, ignem apponere, sanguinem fundere, hominem temere capere uel interficere seu uiolentiam audeat exercere.¹ Decernimus ergo, ut nulli omnino hominum liceat predictum² monasterium temere perturbare aut eius possessiones auferre uel ablatas retinere, minuere seu quibuslibet uexationibus fatigare, sed omnia integra conseruentur, eorum pro quorum gubernatione ac sustentatione concessa sunt usibus profutura, salua sedis apostolicae auctoritate.³ Ad indicium autem perceptae huiusmodi a Romana ecclesia libertatis duodecim Papiensis monetae denarios⁴ nobis nostrisque successoribus annis singulis persoluetis. Si qua igitur *etc.* Cunctis autem *etc.*

Ego Innocentius catholicae ecclesiae episcopus ss.⁵

Ego Ioannes Albanensis episcopus ss.

Ego Ioannes Sabinensis episcopus ss.

Ego Nicolaus Tusculanus episcopus ss.

Ego Guido Praenestinus episcopus ss.

Ego Ioannes tit. s. Stephani in Celio monte presbiter cardinalis ss.

Ego Cinthius⁶ tit. s. Laurentii in Lucina presbiter cardinalis ss.

Ego Cencius tit. s. Pamachii⁷ presbiter cardinalis ss.

Ego Gregorius s. Vitalis presbiter cardinalis ss.

Ego Leo tit. s. Crucis in Ierusalem presbiter cardinalis ss.

Ego Petrus s. Pudentianae presbiter cardinalis ss.

Ego Stephanus tit. s. Grisogoni presbiter cardinalis ss.

Ego Gregorius s. Georgii ad Velum aureum diaconus
cardinalis ss.

Ego Gregorius s. Theodori diaconus cardinalis ss.

Ego Albertus⁸ s. Angeli diaconus cardinalis ss.

Ego Ioannes ss. Cosmae et Damiani diaconus cardinalis ss.

Datum Ferentini per manus Ioannis s. Mariae in Cosmedin diaconi cardinalis, s. Romanae ecclesiae cancellarii, IIII^o kal. iulii, indictione VIII, incarnationis dominicae anno MCCV, pontificatus uero domini Innocentii papae tertii anno nono.

¹) *korr. aus* interfi(cere). ²) *oder* prefatum (p̄tum). ³) *authori-*
tate. ⁴) *statt* denarios *Lücke.* ⁵) *ss. fehlen hier und in der Folge.*
⁶) Eusth. ⁷) Pancratii. ⁸) Albertus *ist wohl* verschrieben für Petrus.